



Broj: 13-03/1-04-39-36.1/23
Sarajevo, 26.12.2023. godine

SKUPŠTINA KANTONA SARAJEVO

Služba za skupštinske poslove

- O v d j e -

KANTON SARAJEVO

Stručna služba Vlade

- O v d j e -

Zastupnica Marijela Hašimbegović je na 13. Radnoj sjednici Skupštine Kantona Sarajevo, održanoj dana, 30.11.2023. godine, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa Poslovníkom Skupštine Kantona Sarajevo, uputila sljedeću zastupničku inicijativu:

“Upućujem hitnu inicijativu u ime građana sa ciljem njihove zaštite od mogućeg ponavljajućeg fizičkog napada od strane osobe za koje postoje indicije da je u statusu beskućnika i stanja socijalne potrebe u smislu institucionalnog zbrinjavanja i neophodne skrbi.

Образложење:

U više navrata zaprimila sam upit o načinu zaštite građana od strane lica za kojeg postoje indicije da je u statusu beskućnika pod imenom Robert Marjanović i za kojeg očekujem institucionalno zbrinjavanje u skladu sa stručnom opservacijom stanja u kojem se nalazi. Posljednje u nizu zastrašivanja i potencijalnog fizičkog napada i nasrtaja prijavila je g-đa Lejla Karić nastanejna na adresi Azize Šaćirbegović 12, koja traži zaštitu od ovakvih opasnih po život potencijalnih ponavljajućih radnji fizičkog nasrtaja od strane Roberta Marjanovića. Inicijativu dostavljam svim resorima u čijoj nadležnosti su ovakvi primjeri lica u socijalnoj potrebi kako bi zajedno došli do rješenja i neophodnog zbrinjavanja. Lično se stavljam na raspolaganje za sve aktivnosti koje su u nadležnosti Skupštine po ovom pitanju jer navedenu osobu, Roberta Marjanovića, lično poznajem iz vremena školskih dana uz sjećanje i slike pristojnog dječaka sa kojim se poigrala životna sudbina i dovela ga u stanje u kojem je sada. Ne znam da li je navedena osoba pod uticajem nedozvoljene supstance, ali se često može vidjeti da pretražuje kontejnere za otpad i u posljednje vrijeme stanovnici naselja Hrasnog izražavaju zabrinutost radi njegovog nasilničkog ponašanja. Molim da se svi uključite kako bi došli do adekvatnog rješenja sa ciljem zaštite lica i imovine i zbrinjavanja onih kojima je institucionalna pomoć potrebna.”

ODGOVOR:



Adresa: Reisa Džemaludina Čauševića 1, 71 000 Sarajevo
Tel: + 387(0)33 562-089, Fax: + 387(0)33 562-090
Web: <http://mrsri.ks.gov.ba>, E-mail: mrsri@mrsri.ks.gov.ba

1/2

U Ministarstvu za rad, socijalnu politiku, raseljena lica i izbjeglice Kantona Sarajevo zaprimljeno je gore navedeno pitanje zastupnice Hašimbegović Marijele, a koje je sa pažnjom razmotreno u okviru ovoga ministarstva i na koje dajemo slijedeći odgovor:

Zastupnička inicijativa prosljeđena je JU "Kantonalni centar za socijalni rad" s molbom da se izvrši posjeta na adresi imenovanog, napravi socioanamnestička obrada porodice, upozna imenovani sa pravima koja eventualno može ostvariti u nadležnoj službi socijalne zaštite, odnosno poduzmu sve radnje i mjere iz svoje nadležnosti, te da nas obavijeste o učinjenom, najkasnije 10 dana od dana prijema inicijative, kako bismo mogli sačiniti odgovor na Zastupničku inicijativu.

JU "Kantonalni centar za socijalni rad" je putem nadležne službe socijalne zaštite poduzeo odgovarajuće radnje, o čemu je sačinjen odgovor koji u prilogu dostavljamo.

S poštovanjem,

Pripremila: Selma Avdić Hajrović, stručna savjetnica
Kontrolisali: Smaragda Lučkin, šefica Odjeljenja
Miralem Dedović, pomoćnik ministrice

Dostavljeno:
1. Naslovu,
2. a/a.

**PO OVLAŠTENJU MINISTRICE
SEKRETARKA MINISTARSTVA**

Amira Gackić



**BOSNA I HERCEGOVINA
FEDERACIJA BOSNE I HERCEGOVINE
JU „KANTONALNI CENTAR ZA SOCIJALNI RAD“
SARAJEVO, Gatačka br. 80**

Broj: 31-01/04-530-2169/23

Datum: 19.12.2023. godine

**SKUPŠTINA KANTONA SARAJEVO
Reisa Džemaludina Čauševića br. 1**

PREDMET: Marjanović Robert – odgovor na Zastupničku inicijativu - dostavlja se

Veza Vaš broj : 01-04-39-36/23 od 01.12.2023. godine

Poštovani,

U vezi vašeg dopisa broj gornji, vezanog za zastupničku inicijativu zastupnice skupštine Kantona Sarajevo Hašimbević Marijele, a koja se odnosi na lice u stanju socijalne potrebe Marjanović Roberta, obavijestavamo vas o slijedećem :

- Imenovani je lice u stanju socijalne potrebe koje nalazi se u evidenciji Službe socijalne zaštite općine Novi Grad kao osoba koja je bila privremeno zbrinuta u Prihvatilište za odrasle i starije, skitnice i beskućnike pri KJU Gerontološki centar Sarajevo u dva navrata, posljedni put krajem 2021. godine, nakon težeg zdravstvenog stanja zbog povreda zadobivenih u požaru. Prilikom drugog smještaja, od strane uposlenika KJU Gerontološki centar Sarajevo, nam je u više navrata naznačeno da kod Marjanović Roberta postoji niz kontraindikacija za prijem u Prihvatilište, ali da je isti izvršen iz namjere da se imenovani zaštiti zbog teškog zdravstvenog stanja u kojem se nalazi i zbog toga što živi na ulici. Nakon oporavka od povreda Robert je počeo ispoljavati asocijalno i agresivno ponašanje prema štitičenicima i uposlenicima Prihvatilišta te je često narušavao kućni red nepoštivanjem pravila istog. U razgovoru sa kolegama iz Prihvatilišta saznali smo da je Robert u više navrata verbalizirao seksualne nakane prema starijim štitičenicima, te im pokazivao svoje intimne dijelove tijela i pred njima se samozadovoljavao. Zbog navedenog imenovani je upozoravan usmeno i pismeno od strane uposlenika Prihvatilišta, kao i strane stručnih uposlenika Službe, da bi na kraju samovoljno napustio Prihvatilište.
- Nakon napuštanja Prihvatilišta imenovani se mjesno nadležnoj službi obratio samo jednom usmeno tražeći dodjelu stana. Tom prilikom je bio u vidno intoksiciranom stanju, agresivan, te neraspoložen za saradnju i davanje socioanamnestičkih podataka. Nije htio da kaže gdje boravi i kod koga. Upućen je u prava iz socijalne zaštite, način i uslove ostvarivanja istih, ali nismo sigurni u to koliko je usvojio date informacije, imajući u vidu stanje u kojem je bio.
- Inače, Robert je prije boravka u Prihvatilištu bio na izdržavanju kazne zatvora, nakon čega se nastanio na adresi Safeta Hadžića br. 219 u neuslovnom stambenom objektu, gdje je i ranije bio prijavljen, ali je stručni uposlenicima službe poznato da na toj adresi ne boravi već duži vremenski period.
- Dana 18.11.2023. godine, na poziv PU Novo Sarajevo (nakon što je od strane stanara zgrade na adresi Azize Šaćirbegović 12 PU informisana da na međuspratu leži NN osoba – kasnije utvrđeno da se radi o Marjanović Robertu) dežurna socijalna radnica pokušala je da ponovo izvrši smještaj imenovanog u Prihvatilište, ali je njen zahtjev odbijen, nakon čega je Robert izjavio da će da privremeno boravi kod prijatelja.
- Dana 27.11.2023. godine ponovila se slična situacija prilikom koje je dežurna socijalna radnica pozvala Prihvatilište, te je naš zahtjev za prijem Roberta na smještaj ponovo odbijen zbog kontraindikacija za prijem, a na osnovu ranijih iskustava uposlenika Prihvatilišta sa imenovanim. Tokom intervencije, na osnovu razgovora sa Robertom, kolegica je predložila da se obavi i pregled imenovanog od strane neuropsihijatra, nakon čega je Robert uz njenu pratnju i asistenciju ZZHP transportovan u Psihijatrijsku kliniku KCUS. Nakon ambulatnog pregleda dežurni ljekar je konstatovao da nema elemenata za zadržavanje imenovanog na liječenju. Nakon toga Robert je odbio dalju saradnju.

- Dana 08.12.2023 godine i dana 15.12.2023. godine izvršena je terenska posjeta stambenom objektu na adresi Safeta Hadžića br. 219, sa ciljem pronalaska Marjanović Roberta i eventualnog upućivanja istog u prava iz oblasti socijalne zaštite. Objekat je i dalje ruševan i neuslovan i u njemu nije zatečen niko.
- Dana 07.12.2023. godine i dana 18.12.2023. godine izvršena je terenska posjeta stambenom objektu na adresi Azize Šaćirbegović br. 12, sa ciljem pronalaska Marjanović Roberta i eventualnog upućivanja istog u prava iz oblasti socijalne zaštite, ali imenovani nije zatečen na toj adresi, niti prostoru u blizini te adrese.
- Marjanović Robert je do sada pokazao da nije zainteresovan za saradnju sa mjesno nadležnom Službom socijalne zaštite, osim kada je u slučajevima krajnje nužde pristajao na smještaj u Prihvatište.
- Tokom 2021. godine realizovan je smještaj imenovanog u Prihvatište, što u budućnosti neće biti moguće zbog njegovog nekorektnog odnosa i ugrožavanja sigurnosti drugih korisnika i štićenika Centra.
- Službe socijalne zaštite nemaju na raspolaganju stanove koje bi dodijelili osobama na njihov usmeni zahtjev, kako je to imenovani tražio. Određena prava iz socijalne zaštite Robert bi vjerovatno mogao ostvariti (topli obrok u JK KS, povremena novčana davanja, možda i stalna novčana pomoć), ali za ostvarivanje svih prava iz socijalne zaštite neophodna je barem minimalna spremnost za saradnju, koju Robert nije iskazao. Imenovanom nije ograničena, niti oduzeta poslovna sposobnost. Uposlenicima Službi socijalne zaštite Novi grad i Novo Sarajevo trenutno nije poznato gdje imenovani boravi, niti imaju bilo kakav način da ga kontaktiraju.

Potrebno je naglasiti da zbrinjavanje bilo kojeg korisnika u stanju socijalne potrebe od strane stručnih uposlenika službi socijalne zaštite moguće isključivo uz pisani dobrovoljni pristanak tog korisnika, te da službe socijalne zaštite nemaju zakonsku mogućnost, niti nadležnost za prisilni smještaj niti zbrinjavanje bilo kog korisnika, bez obzira na stanje njegove socijalne potrebe. Odluku o prisilnom zadržavanju u zdravstvenoj ustanovi ili ustanovi socijalne zaštite može donijeti samo nadležni sud.

Također, želimo istaći da slučaj Marjanović Roberta nije izolovan, te da nažalost na području Kantona Sarajevo postoji određeni broj osoba koji imaju status beskućnika, a koje stručni uposlenici službi socijalne zaštite općina nisu u mogućnosti zbrinuti jer ispoljavaju društveno negativno ponašanje ili boluju od duševnih oboljenja, što predstavlja kontraindikaciju za smještaj u Prihvatište za odrasle i stare i prihvatilište za skitnice i prosjake pri KJU „Gerontološki centar Sarajevo“. Navedeno prihvatilište kapaciteta 25 kreveta je jedino prihvatilište na području Kantona Sarajevo u koje je moguće smjestiti skitnice i prosjake, pod uslovom da neispoljavaju ponašanja koja su kontraindikacija za smještaj, a što je vrlo rijedak slučaj.

Obzirom na naprijed navedeno molimo da Kantonalni zastupnici iskoriste svoj uticaj i pokrenu inicijative kako bi se na području Kantona Sarajevo otvorilo prihvatilište za skitnice i beskućnike koji spadaju u kategoriju onih koji ispoljavaju društveno negativno ponašanje ili boluju od duševnih oboljenja, čime bi se ovoj kategoriji korisnika i građana Kantona Sarajevo obezbjedilo zbrinjavanje i zaštita, ostalim građanima Kantona Sarajevo sigurnost, a uposlenicima službi socijalne zaštite omogućilo i olakšalo provođenje mjera iz njihove nadležnosti.

Pripremila:

Kontrolisala:



DOSTAVITI:

- Naslovu
- a/a